

絳紗裏藥曰病發者使執之自愈一丸可愈百人過百人卽不  
驗矣姥從之子孫皆愈徧療及百人滿果不驗矣姥折囊已不  
見藥但有書呂洞賓三字而已方知遇呂帝也

### 桐廬賜藥

桐廬有通守忘其姓名以母病發背百方不瘥祈禱備至感呂  
帝夜夢之曰公至孝感天命余救拔若遲一日不復可瘥乃授  
以靈寶膏方括萸五枚取子乳香五塊如棗大二味各細研以  
白砂蜜一觔同熬成膏每服三錢温酒化下通守市藥治服卽  
愈後以施人立效

### 趙州醫跛

## 道藏輯要

聖蹟紀要

三五

塵集五

趙州貧民劉某病跛二十年每夕炷香禱天一日有道人手攜  
鐵瓢謂劉曰可隨我行劉隨之行二里許指地下曰此下深三  
尺餘有五色石試掘之果得一石大如彈丸五彩殊常道人曰  
子可持歸暴露九日細末以木瓜皮煎湯服俟愈可來城東駐  
雲堂東廊第三間左壁上再相會及劉疾脫然愈卽往尋之但  
見壁上有呂帝相攜瓢云又鄂城潰陽有一貧婦素患癱病每  
日膝行至橋上乞錢一日遇一道人過見而問之婦曰夫故遺  
姑年八十餘來此丐些錢米以養姑耳道人聞已遂將所執棕  
拂子謂婦人曰汝試牽此起身來婦果牽之而起又曰汝試再  
隨我行婦人卽隨之行不數武婦疾大愈如平人婦曰先生何

處住我好來叩謝道人曰我在某氏樓上婦歸姑見駭問具告以故次日姑媳尋至其家樓上蓋所奉孚佑帝君相也因留彼處看侍香火以終身焉此亦婦之孝念有以感之不僅愈其疾且有以資其生其慈悲爲何如耶

### 江陵醫眼

江陵傅道人名升事呂帝像甚謹乾道中正旦有一客方巾衣袍入共語良久招之同飲傅從之自是旬日一來時傅目昏多淚客教服生熟地黃切焙取川椒去核目及閉口者微炒三物等分煉蜜丸空心鹽米飲下五十九丸傅服之久能視細物追思容貌宛類所事呂帝像自是奉事益虔

### 道藏輯要

聖蹟紀要

三

靈集五

### 岳陽貨藥

呂帝遊岳陽託名貨藥一粒千金三日不售乃登岳陽樓自餌其藥忽騰空而立眾方駭慕欲買其藥呂帝笑曰道在目前蓬萊跣步撫機不發當面蹉過乃吟詩曰朝遊北越暮蒼梧袖裏青蛇膽氣麤三入岳陽人不識朗吟飛過洞庭湖

### 成都持丹

成都藥市日有道人垢面鶉衣手持丹一粒大呼於市曰我呂洞賓也有能再拜我者以丹餌之眾以爲狂相聚笑隨之道人往還數四竟無拜之者道人往坐五顯廟前火池上兒童爭以瓦礫擲之道人笑曰世人欲見吾甚切既見吾又不識吾亦命